

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Martin Ugalde kultur parkea 20140 Andoain

Askatasunaren inguruan

Fernando Bilbao eta Mikel Etxaburu
(*Herri Mugimenduen Biltzarreko kideak*)

Gizakiok ezer aldarrikatu behar badugu, hori askatasuna da. Norbanakoei zein kolektibo dagozkien eskubide anitz onartzen badizkigute ere (gure herriaren kasuan asko ukatzen dizkigute), erabiltzeko askatasunik gabe alferrikoak dira. Ezkerrekoak, aurrera-koiak garenok, belaunaldiz belaunaldi, harrotzeko ezer badaukagu, gobernari, politiko, indar errepresibo, etab. guztien gainetik askatasuna lortzeko borroka mantendu dugula da. Horregatik, azken hilabeteotan, gertatzen ari den askatasunen murriztea arduratuta dakusagu. Antolakundeen ilegalizazioa, atxiloteta indiskriminatuak, torturak, etab. Zurrumbilo errepresibo horretan belaunaldi berriko faxistak euren saltsan

dabiltza. Ideien ilegalizazioarekin dugun desadostasuna adieraztea edo herri honen autodeterminazio eskubidea bezalako oinarri demokratikoa aldarrikatzea ere ukatzen digute. Hori da larunbateko manifestazioa debekatzeko egin duten ahaleginaren xedea, eta hori, orain arte bezala, ezin dugu onartu. Neonazi espainiarren erakustaldi faxistak babesteko agintzen duten eta babesten dituztenen aurrean, herri honi hitza ukatzen dietenen eta gure ahotsa isilarazi nahi dutenen aurrean, koherentziatzeko irakaspen berri bat eman beharrean gaude. Herri bat ezin daitekeela geratu erakusteko, ideiak ezin daitezkeela ilegalizatu erakusteko eta ametsak ezin daitezkeela espetxeratu erakusteko gaur Donostiara joan beharra daukagu, askatasunen defentsarekin hitzordua baitaukagu. Demokrazia Euskal Herriarentzat. Autodeterminazioa.

Atutxa jaunari eskaria

Alejandro Sanz Yuste (*GITE-IPES elkarte*
ko kidea)

Joan den 16 eta 17an, Madrilén, CSCA elkarteak antolatutako jardunaldi batzuetan parte hartu genuen GITE-IPES elkartearen zentzuzko kideak. Jardunaldiaren izenburua *Encuentro Internacional contra la Guerra-En solidaridad con el pueblo iraquí* izan zen. Hara non, aipatu jardunaldietan parte hartzen ari ginela konturatu ginen Eusko Legebiltzarra EAJ-EA-Batasuna eta IU alderdien botoekin joan den urriaren 18an Iraken kontrako gerraren gainean onartutako ebazpenaren berri inortxok ere ez zuela. Ebazpenean, Iraken kontra bultzatu nahi den gerraren kontrako jarrera adostu zen.


Jardunaldien antolatzaileek ez zuten inolako berririk, eta hori guztia adierazteko gu-

tako batek egindako interbentzioak han bildu ginen guztion harridura sortu zuen. Nola liteke hain erabaki esanguratsu bat lau horren artean gordetzea? Nola liteke euskal gizarteak —eta euskal gizarte ez denak— zu lehendakari zaren instituzioak onartutako erabakiaren berri ez izatea?

Ez dugu pentsatu ere egin nahi legebiltzar honen seriotasunaz zer-nolako iritzia izango duten jardunaldi horietan parte hartu zuten hainbat hizlari ospetsuk: Halliday (Irlanda) eta Sponeck (Alemania) Irakeko Nazio Batuen koordinatzaile ohia...

Ez daukagu zalantzarik zurea dela erantzukizuna, Atutxa jauna, joan den urriaren 18an legebiltzarrean onartutako ebazpena goian aipaturiko jardunaldietan parte hartu dugun guztiori eta euskal gizarte osoari lehenbailehen helaraztea. Hala izango dela-koan.

montxo



galdeiozu... ?



**ANDER
VILARIÑO**

Auto gidaria

Euskal Herriko hainbat herritan dagoen autoekiko zaletasuna ia fanatismoa ez al da arriskutsua izaten txapelketetan istripuak gertatzeko?

Iñaki Garaialde (Irun)

Nire kasuan, zirkuituetan arriskua txikiagoa dela esan behar dut, baina uste dut hemengo lasterketetan Federazioak eta antolatzaileek lan asko egiten dutela segurtasun handiagoa lortzeko. Nire ustez, arazo handiena da lasterketetan jende asko dagoela, eta jende horrek ez diela kasu egiten antolatzaileen esanei. Azkeneko Jaizkibelgo igoera, adibidez, izugarria izan zen: jendea errepede erdian...

Abenduaren 3tik aurrera **Oskar Goñi • Udalbiltzako Batzorde Eragilearen koordinatzailea** izango da Galdeiozu ataleko gonbidatua. Bidali zure galderak ordurako.
galdeiozu@egunkaria.com

hirusta

Itziar Madina



Globalizazioaren mamu sinplifikatua

Antikapitalismoa». Nafarroa Beherea eta Zuberoa milikatzen diren Dominikako jauregian zen, duela zenbait urte. Euskarazko ikastaldiko gelako arbelean gazteak idatzi zuen hitz gorde amaigabea zen. Eta nola gainerako klasekideak itxaropena galdurik urkatutik gelditu ziren, marrazkia oso-oso eginik, pozik zegoen gure ikaslea. Besteek ezin asmatutako hitza pentsaturik bistan dena, baina kontent, joko batez mezu politiko iraultzailea hedatu baitzuen ikasgelako pareta hertsietan. «Antikapitalismoa». Hitza ahoskatzeak berak lagunarteko giro gozoenak mindu ditzake. Defendatzeak, begirada iheskorak ez direnean haserre-ximista dararmatenak piztu, edo etsai politikoak sortu. Al-ta, garai batean taburik gabe baliatzen zen ezkerreko eta iraultzaile ziren jendearen artean. Zer gertatu ote da? Frantziako transgenikoen aurkako borroka adibidetzat hartzen badugu,

Rene Rieselen aldeko idazki batek du arrapostua. Rene Riesel, Jose Boveren gisan, 14 hilabete presondegi zigtoria izan da, arroz transgenikoa suntsitzeagatik. Baina Bove ez bezala, Internationale Situatdonnesteko eta Confederation Paysanne sindikatoen idazkari ohiak ez du frantses lehendakariaren, Jacques Chiracen, *grâce* edo *indulturik* nahi. Bere ustez, 1999an Millauko auzitik landa gertatu zen «zanpantzareria amaitzen da, baina betebeharra betez. Jitez aldatu landare kimerikoen desgitearekin gauzatzen hasi zen ekin-tzen bidezko kritika isilaraziz, elekeria kontsumeristak eta adierazpen antimundialistek lortu dute ez dadin zalantzan eman bizia-artifiziala-bilakatzeko-unibertsa». Eta Rene Rieselen sostengu-hosteak dio ere mundu berriaren egoera «kapitalismo erreala eta ez finantziaren globalizazioaren mamu sinplifikatua» duela sortzen.